

孟蘭盆經疏并序

百六

唐充國沙門宗密述

宋晉水沙門淨源錄疏注經

始於混沌塞乎天地通人神貫貴賤儒釋皆  
宗之其唯孝道矣應孝子之懇誠救二親之  
苦厄酬昊天恩德其唯孟蘭盆之教焉古六宗密  
罪釁早年喪親每履雪霜之悲永懷風樹之  
恨竊以終身墳塋卒世蒸嘗雖展孝思不資  
神道遂搜索聖賢之教虔求追薦之方得此  
法門實爲妙行年年僧自恣日四事供養三

尊宗密依之修崇已歷多載兼講其誥用示  
未聞今因歸鄉依日開設道俗者父悲喜遵  
行異口同音請製新疏心在松栢豈慢鄉間  
式允來情發揮要道

稽首三界主 大孝釋迦尊 累劫報親恩  
積因成正覺 將求錫衆類 應請演斯經  
欲使背恩人 咸能酬罔極 我今所讚述  
願衆聖冥加 自他存沒親 離苦常安樂  
將解此經先開四段一教起所因二藏乘所  
攝三辨定宗旨四正解經文初中復分爲四

一酬宿因故二酬今請故三彰孝道故四示勝田故初酬宿因者悉達太子不紹王位捨親去國者本爲修行得道報父母恩然菩薩用心不務專已故開盂蘭法會以福自他二親此經所興本意如此二酬今請者大目犍連因心之孝欲度父母報乳哺之恩故出家修行神通第一觀見亡母墮餓鬼中自救不能白佛求法方陳益供救母倒懸由愛其親施及一切故爲道俗弟子請佛留此教門酬目連所問即是說經之由致也三彰孝道者

復有其二一通明孝爲二教之宗本二別明二教行孝之同異初通明中且明儒教以孝爲本者謂始自天子至於士人家國相傳皆立宗廟雖五孝之用則別而百行之源不殊故開宗明義章中標爲至德要道道德以之爲體教法由是而生何有君子而不務本旣爲天經地義須令企及俯從雖論禮壞樂崩終訶衣錦食稻甚哉孝之大也聖人之德又何以加於孝乎次釋教以孝爲本者然一切諸佛皆有真化二身釋迦化身說隨機權教

舍那真身說究竟實教者經律也經詮理  
智律詮德行故我盧舍那佛最初成正覺時  
便說華嚴大經菩薩大戒戒雖萬行以孝爲  
宗故初標云爾時釋迦牟尼佛初坐菩提樹  
下成無上正覺初結菩薩波羅提木叉孝順

父母師僧三寶孝順至道之法

亦同孔聖云  
至德要道

孝名爲戒亦名制止涅槃云奇哉父母生育  
我等受大苦惱滿足十月懷抱我身旣生之  
後推乾就濕除去不淨大小便利乳哺長養  
將護我身以是義故當須報恩隨順供養上

通明二教以孝爲本竟次別明二教行孝之  
同異者於中初明其異後顯其同初謂生前  
侍養異後謂沒後追思異侍養異者儒宗則  
慎護髮膚揚名後代故樂春不出曾子開衾  
釋教則祝髮壞衣法資現世故優陀通信淨  
藏迴雅是謂爲善不同同歸于孝沒後異者  
有其三一居喪異儒則棺槨宅兆安墓留形  
釋則念誦追齋薦其去識二齋忌異儒則內  
齋外定想其聲容釋則設供講經資其業報  
三終身異儒則四時殺命春夏秋冬釋則三

節放生

一歲終二夏滿三忌辰隨力所及皆須爲父母故生命一七乃至七七之數初七諸卒哭祥日然今但滿三年此經云云良由真

宗未至周孔且使繫心愛禮存羊之類今知理有所歸不應猶執權教且福之大者莫大於施生是梵釋之本因是天地之大德今殺彼祭此豈近仁心是若可忍孰不可忍雖云祈福令云九月中氣日在氏命有司合秩芻以養犧牲乃至以祠宗廟之靈爲人祈福實是立讎自徇虛名殃於神道歌哭一類問若父毋生於餘趣則可改祭爲齋如墮鬼中寧無饗祀答黍稷非馨蘋蘩可薦應知約祭勝於

殺牛況鬼神等差豈皆受饗上明異竟次顯其同者復有二初明存沒同後明罪福同今初約紀孝行章中五句之文以辨其同即攝於生前沒後也一云居則致其敬者儒則別於犬馬釋則舉身七多二養則致其樂者儒則怡聲下氣溫清定省等也故有扇牀溫席之流釋則節量信毀分減衣鉢等也故有割肉充飢之類須開太子三病則致其憂者儒中如文帝先嘗湯藥武王不脫冠帶釋中如太子以肉爲藥高僧以身而擔四喪則致其哀者

儒有武丁不言子臯泣血釋有目連大叫調

御昇棺

於儒禮雖不同而亦哀有餘也

五祭則致其嚴者儒

有薦筭釋有餉飯之類也

嚴雖有異祭意大同

以至教

未來難弘報應故先且立於祭法令敬事於

神靈神靈則父母之識性足顯祖考之常存

四

既形滅而神不滅豈厚形而薄神乎餘如前

辨上來存沒同竟次辨罪福同罪同者儒則

條越五刑犯當五擿而恩赦不該釋則名標

七逆戒黜七遮而阿鼻定入福同者儒則旌

於門間上天之報釋則瑩於戒德淨土之因

如觀經說當修三福一孝養父母等乃上來至此三種業是三世諸佛淨土正因

總彰孝道竟次當第四示勝田者喻如世間

人欲得倉廩中五穀豐盈歲歲不乏者必須

取穀麥種子以牛犁耕於田地而種之不種

則竭盡也法中亦爾以悲心敬心孝心為種

予以衣食財帛身命為牛犁以貧病三寶父

母為田地有佛弟子欲得藏識中百福華嚴

生生無盡者須運悲敬孝心將衣食財帛身

命敬養供給於貧病三寶父母名為種福也

不種即貧窮無福慧入生死險道謂種福之

田如種穀之田名爲福田也然種子有精新  
乾焦田有肥濃確瘦如恭敬孝心有懇切閑  
慢貧有淺深病有輕重佛有真化化有住世  
入滅法有小大教有權實僧有持毀父母有  
百六現生七世一一配肥瘦之田昭然可見今孟  
五蘭供會具三種肥田故云勝也謂佛歡喜日  
供養自恣淨戒大德敬田勝也報父母恩恩  
田勝也父母在厄難中悲田勝也爲欲示此  
勝因故說此經第二藏乘所攝者藏謂三藏  
乘謂五乘三藏者一修多羅此云契經契者

契理契機經者佛地論云貫攝爲義謂貫穿  
所應知義攝持所化衆生故此教於三學中  
詮於定學二毗柰耶此云調伏謂調練三  
業伏謂制伏過非此教詮於戒學三阿毗達  
磨此云對法法謂涅槃四諦對謂對向對觀  
其能對者即無漏慧此教詮於慧學然經是  
化教開誘化導也律是制教制約行業也論  
則推徵解釋今此盂蘭盆據其名題即化教  
所攝屬於經藏據其義意亦制教攝屬於律  
藏制比丘等年年自恣日行此法故五乘者乘以運載爲名

五謂人天聲聞緣覺菩薩此五力有大小載  
有遠近一人乘謂三歸五戒運載衆生越於  
三塗生於人道其猶小艇纔過谿澗二天乘  
謂上品十善及四禪八定運載衆生越於四  
洲達於上界如次船越小江河三聲聞乘謂

四諦法門四緣覺乘謂十二因緣法門皆運  
載衆生越於三界到有餘無餘涅槃成阿羅  
漢及辟支佛皆如大船越大江河五菩薩乘  
謂悲智六度法門運載衆生總超三界三乘  
之境至無上菩提大般涅槃之彼岸如乘舶

過海今此經者是人天乘所攝在小乘藏中  
三辨定宗旨者此經以孝順設供拔苦報恩  
爲宗今以二門分別一釋行相二配句數初  
者謂目連本爲孝誠欲酬恩德力所未及故  
先出家是以始得六通便觀三界見其亡母  
生餓鬼中諸得道人未必皆爲父母即驗目連爲欲報恩故出家也雖餉六  
香餐旋成猛火悲號投佛奉教設盆拔冥塗  
身脫一劫苦不辜生育大報劬勞細詳經宗  
備斯四義二配句數者有四四句一孝順兩  
字自有四句一孝而非順如三牲之養等二

順而非孝如病索禁忌之食而即供欲行非爲之事而不揀等三亦孝亦順謂有隱無犯三諫而隨順色觀志三年無改四非孝非順如水中葬父之類二以孝順與設供相對復爲四句一孝順非設供如董黷王祥等二設供非孝順爲已求福而修齋等三俱是即孟蘭盆會四俱非謂逆而慳也三以孝順對拔苦亦爲四句一孝順非拔苦謂董永等二拔苦非孝順謂救他人之苦厄三俱是即孟蘭會也四俱非謂逆小之人也四以孝順對報

恩亦爲四句一孝順非報恩護髮膚不驕危非法不言等二報恩非孝順扶輪報一餐修行報施主等三俱是孟蘭盆會也四俱非謂摹恩逆人今修此一門即圓四行所得功德何可校量實由境勝心強微於神理故第四

正解文於中復二初釋題目

佛說孟蘭盆經

疏曰此經總有三譯一晉武帝時刹法師翻云孟蘭盆經二惠帝時法炬法師譯云灌臘經應以文云具飯百味五果汲灌盆器香油

錠燭等故三舊本別錄又有一師翻云報恩經約所行之行而立名故今所釋者即初譯也義淨三藏云傾自我口暢之彼心以教合機故稱佛說盂蘭是西域之語此云倒懸盆乃東夏之音仍爲救器若隨方俗應曰救倒懸盆斯由尊者之親魂沉閻道載飢且渴命似倒懸縱聖子之威靈無以拯其塗炭佛令盆羅百味式貢三尊仰大衆之恩光救倒懸之窘急即從此義以制經名經者正名爲線義曰契經線能貫華經能持緯謂所詮之義似

緯似華能詮之文能持能貫今順此方典誥是以目之爲經借義助名仍加契字此釋扶佛地論二義中貫穿之義已如上釋雜心論五義中結鬟之義餘四者涌泉出生纏墨顯示次解本文分三第一序分二正宗分三流通分以三分之興彌天高判冥符西域今古同遵初序分中諸經多有二序一證信序謂如是之法我從佛聞標記說處分明大衆同聞非謬以爲證據令物信受經無豐約非信不階由是經初必須證信故智度論云說時

方人令生信故二發起序發明生起正宗之法如淨名寶蓋法華毫光之類然證信亦云通序諸經皆同故亦云經後序佛說法時而未有故發起亦云別序諸經各別故亦云經前序佛先自發起方說正宗故初證信者百六八

經聞如是一時佛在舍衛國祇樹給孤獨園  
疏佛臨滅度阿難請佛令置此言也所問四事佛一一答謂一令依四念處住謂觀身不淨受是苦心無常法無我二以戒爲師三默擯惡性比丘四一切經初皆云如是我聞一

時佛在其處與某衆若干人等諸經多具六種成就文或闕略義必具之謂一信二聞三時四主五處六衆六緣不具教則不興必須具六故云成就今經闕於列衆也又聞成就爲初異餘經者各是譯人之意謂或云如是之法我從佛聞或云我於佛邊聞如是法皆是指法之辭也不云我者意彰聖人皆證無我餘經有者即阿難自指五蘊假者不同情計之我亦無過也聞謂耳根發識聽彼外聲次云如是者信成就也夫信者言是事如是

不信者言是事不如是故肇公云信順之辭也一時者師資合會說聽究竟總名一時揀異餘時謂如來說經時有無量不能別舉一言略周故但云一諸方時分延促不定故言一也然諸經皆不指定時而必指定處者有說展轉招難故不用之今詳其意以處則不過十六國中遊化住止之處而有其數易爲標指時則年月春秋寒熱晝夜寅卯須臾等時變易迅速積數無量不可說錄難爲標指故也佛者梵云佛陀此云覺者謂覺了真妄

百六

九

性相之者覺有三義一自覺我空揀異凡夫二覺他法空揀異二乘三覺滿俱空合於本覺名究竟覺或名大覺妙覺揀異菩薩在舍衛者處成就也真諦記云住處有二一境界處遊歷爲化在俗之流二依止處爲統出家之衆初即舍衛後即祇園又婆沙論云舉舍衛令遠人知國是總也舉祇園令近人知園是別也舍衛此云聞物謂具足欲塵財寶之物多聞解脫之人遠聞諸國故故義淨三藏譯金剛經云名稱大城祇樹等者即祇陀太

子所施之樹給孤長者所買之園祇陀此云戰勝波斯匿王太子也生時王與外國戰勝因以爲名給孤獨者是臣之號本名須達多此云善施謂給孤給獨即是善施又常行施故名善施鄉人美之號給孤獨孤者少而無父也獨者老而無子也然園是須達所買樹是祇陀所施園總樹別先合標園今以禮別尊卑故樹先園後西國呼寺爲僧伽藍此云衆園以佛教東流初至中國立鴻臚寺賓異域僧僧旣漸多散置別館存其本號皆曰寺

焉其買園施樹者涅槃經說須達長者爲兒婢婦詣王舍城因見佛發心請入舍衛說法佛令舍利弗隨歸先揀住處擇得祇陀太子之園長者問買太子戲云側布黃金滿即賣之長者便欲交付太子云是戲言共請斷事人斷之被斷令依先語長者載金側布唯餘一隅太子見其不惜財寶知佛殊勝遂施所餘之地置立門屋施園中樹以爲林蔭二人共成精舍請佛居之故云祇樹等也闡衆成就者但文略也如無常經等然有其時必具

徒衆故經末云四輩弟子歡喜奉行二發起者此經既以孝順拔苦爲宗故托救母之緣而爲發起文分爲六第一知道已證第二知恩欲酬第三攀慕偏尋第四得見所在第五慟哭往救第六惡習現前今初○經大目犍連始得六通疏此人姓大目犍連唐言采菽氏彼國上古有仙常食菜豆尊者是彼種族故也名尼拘律陀即樹名也尊者二親因祭此樹神而生尊者故名此也是王舍城中輔相之子時人貴其種所以稱其氏始得六通

者始即是初初得聖道便度二親者本因親而修道故也道雖無異本願各殊故諸聖者不必皆爾六通者一神境通智證神境故亦名如意通身如其意欲往即到故二天眼通三天耳通謂能見能聞若近若遠障內障外色聲等故四宿命通能知宿世今生本事故五他心通謂於定散漏無漏心一切能知故六漏盡通謂身中漏盡而能知故六皆無擁故總名通二知恩欲酬○經欲度父母報乳哺之恩疏度謂度脫然報恩兩字但是通標

虛位度脫正是其報乳謂母乳哺是嚼哺乳如濟食是恩之實事度脫如扶輪是報之實事然父母有遠近恩有輕重報有分全遠者七世乃至多世近者即生此身七世者外教所宗人以質質爲本傳體相續以父祖已上爲七世故偏尊於父佛教所宗人以靈識爲本四大形質爲靈識所依世世生生皆是父母生養此身已去乃至七生所生父母爲七世寄託之處唯在母胎生來乳哺懷抱亦皆是母故偏重母是以經中但云乳哺之恩

也乃至多世者於中偏取歸依佛已來所生身之父母以能生我修道之器故諸佛成道之時多生父母皆相會遇聞法獲益恩輕重者此生父母最重餘漸輕也報有分全者侍養一生爲分度脫多生爲全經云右肩擔父左肩擔母偏行大地亦不能報恩故知此生所報設同孟宗董黷董永之類亦爲分也今經云欲度者明其全也若總不報便是不孝罪人況加逆事且況論一切人恩華嚴經云不知恩者多遭橫死觀佛相海經云是阿鼻

因諸恩尚然況於父母父母之恩無可校量  
故詩云蓼蓼者莪匪莪伊蒿哀哀父母生我  
劬勞乃至無父何怙無母何恃出則銜恤入  
百六  
育我顧我復我出入腹我欲報之德昊天罔  
十二  
極即第十三周幽王好征伐民人勞苦孝子  
不得終養耳故三藏云父母義高天地恩深  
巨海是以係仰顧腹之恩答劬勞之德父  
母恩重云父母懷抱和和弄聲含笑未語飢  
時須食非母不哺渴時須飲非母不乳云  
十六十

指甲中食子不淨云計論母恩昊天罔極嗚  
呼慈母云何可報云至於行來東西鄰里井  
竈碓磨不時還家母忽心驚兩乳流出即知  
我兒家中憶我即便還家反如箇指心痛問  
詳此經文淺朴偏誠貧賤之流何也答君子  
自孝故偏誠小人又君子有簞瓢之貧何妨  
碓磨等事偏叙艱勤之語始彰鞠養之勞耳  
又云其兒遙見母來或在闌車搖頭弄腦或  
復曳腹隨行嗚呼向母母爲其子曲身下就  
長舒兩手摩拂塵土嗚和其口開懷出乳以

乳乳之母見兒歡兒見母喜二情相交恩愛  
慈重莫復過是云既至長大朋友相隨梳頭  
摩髮欲得好衣覆蓋其身弊衣故破父母自  
著新好綿帛先與其子至於行來官私急疾  
傾心南北逐子東西橫簪頭上既與索婦得  
百六  
他女子父母轉疎私房屋室共妻語樂父母  
十三  
年高氣力衰老終朝至暮不來借問或復父  
孤母寡獨守空房猶如客人寄止他舍常無  
恩愛或無襦被寒凍苦辛厄難遭之太甚年  
老色衰多饒螢夙夜不卧長吟歎息何罪

宿憊生此不孝之子或時呼喚瞋曰驚怒婦  
見罵詈低頭含笑乃至云帝釋梵王諸天人  
民一切衆會聞經歡喜發菩提心號哭動地  
淚下如雨評曰細思其事誠哉是言或有母  
不如此兒不如彼者百中之一也良由衆主  
無始無明迷真執妄既根本顛倒故枝末一  
一皆然禍哉凡愚云何可度三攀慕徧尋○  
經即以道眼觀視世間疏觀求生處是天眼  
通由證道而得故云道眼也世間有二謂三  
界是器世間六道是有情世間然尊者喪親

之日猶是凡夫不知父母生於何道今成聖  
果力可追求故以天眼上下觀視於三界處  
尋六道身得通便觀故云即也四得見所在  
○經見其亡母生餓鬼中不見飲食皮骨連  
立疏本觀世間俱尋父母父生樂處不假施

勞既非經宗故此不述眾生鬼道已屬三塗  
復在餓中是鬼之極苦拔濟苦者唯孟蘭盆  
發起正宗意在斯也生餓鬼中是異熟果酬  
引業故不見飲食是等流果酬滿業故是慳  
食退業也皮骨連立是增上果準正理論鬼

本住此洲之下五百由旬縱廣亦爾有琰魔  
羅界一云在此瞻部四邊直下等從此展轉  
散趣餘方以人間一月爲一日乘此積月積  
年壽五百歲然鬼有三種一無財鬼亦無福  
德不得食故二少財鬼少得淨妙飲食故三

百六

十四

多財鬼多得淨妙飲食故此三種中復各有  
三初無財三者一炬口鬼謂火炬炙熾常從  
口出由前生燒壞村柵焚炙賢良以此求財  
墮於地獄從地獄出墮此鬼中故正法念經  
云若人貪嫉枉奪人財破人城郭殺害抄掠

得財奉王大臣轉增凶暴墮熾然餓鬼中二  
針咽鬼謂頭大如山咽如針孔由破齋夜食  
盜竊衆僧之食故故齋法清淨經說目連路  
逢數百萬鬼頭如大山等三臭口鬼謂口中  
腐臭自惡受苦以多貪名利自是非他讚歎  
惡人毀謗賢善故據此三種寧吞鐵丸不食  
信施少財三者一針毛鬼毛利如針行使自  
刺爲貪利故妄行針炙及刺畜生但爲求財  
不能愈疾故二臭毛鬼毛利而臭自拔受苦  
以販賣猪羊烹宰鵝鴨湯礪刀剥痛楚難堪

地獄罪終墮斯鬼趣三大癟鬼咽垂大癟自  
決噉膿由嫉妒於人常懷瞋恨故多財三者  
一得棄鬼謂常得祭祀所棄食故以罪多福  
少少施多慳棄擲之物方能惠施故二得失  
鬼謂常得巷陌所遺食故以於現財常生慳  
著疑欲失者方起捨心故三勢力鬼謂夜又百六十五  
羅刹毗舍闍等所受富樂類於天人或依樹  
林或住山谷或居靈廟或處空宮形豎而行  
屬於鬼趣此等變化多端者以因地罪福不  
精故惑樂相雜故付法藏傳說僧伽耶舍比

丘遊大海邊見妙宮殿家鎖二鬼等

云今尊

者之親是無財鬼中炬口鬼也不見飲食食未入口化爲火故又有處說餓鬼有三種一外障以得遇水時即見人執刀杖等障故二內障口有火炬或咽如針故三無障見河是猛火或食糞穢或自割自噉等今尊者之親當內障也上來諸鬼等皆出自心因行既招果報必應譬如影響由於形聲雖父母至親不相替代故諸智者宜各勵心儻遇善緣不應空過一朝去世誰爲修崇縱託子孫七分

獲一況無孝子悔恨何追且濁世凡流鮮懷仁孝唯憂妻子豈念幽靈貧賤者迫以飢寒富貴者荒於財色設能追福厭課者多竭力罄心萬中無一世途目擊豈不昭然故恩重經云夫妻和合同作五逆或時呼喚急速走使父母之語十度九違不相從順罵詈瞋目生存尚爾沒後可知自既不仁兒豈能孝故昔有送父林野乃持與迴歸以古觀今雖迹異而心同也五慟哭往救○經目連悲哀即以鉢盛飯往餉其母疏悲哀者生育恩重如

上所陳死別隔生忽然再見縱使顏容仍舊亦可涕泣悲傷況覩鬼形皮骨連立喉中烟燄腹裏空虛苦似倒懸命唯喘息豈不能碎身擗踊竭氣號咷恨罪逆之偷安痛慈親之受苦經標總意但云悲哀細察當時何疑不百六十六

爾故三藏科云摧慟釋云感激徹於骨髓號咷動於天地鉢飯往鉤者母既氣綿夕漏厄在朝飢餓而且渴理須救濟濟此之急飯食爲先故以鉢盛飯持鉤於母第六惡習現前○經母得鉢飯便以左手障鉢右手搏食食

未入口化成大炭遂不得食疏境隨心變果藉業成餓因未除飽緣寧致鬼是炬口食近口而熾然水作堅冰冰近湯而確爾即知神力不禁業力除飢要且除慳故六通往鉤而招殃百味盆羅而拔苦大哉業熟可思者焉今左手障鉢慳恐餘侵右手搏食貪於自給慳貪猛盛如此現行飯食劣緣若何充濟故化爲火不得食也上來序分竟自下正宗文分爲二初目連悲陳苦厄後如來廣示因緣今初○經目連大叫悲號涕泣馳還白佛具

陳如此疏子急告父臣急告君自力不如理  
宜投佛弟子勤觀四諦已證三明可以反覆  
山河迴轉日月豈料母榮極苦命若倒懸竭  
其孝誠盡其神變竟不能令除惡報暫濟飢  
腸所以哭泣奔還備申哀懇後如不廣示因  
百六十七  
緣中且依二藏大分八段第一彰母罪深第  
二明子德薄第三斥邪無力第四顯正有能  
第五許以救方第六示其正法第七孝子領  
悟第八慈母獲益今初彰母罪深○經佛言  
汝母罪根深結疏有經說定光佛時目連名

羅卜母字青提羅卜欲行囑其母曰若有客  
來娘當具餚去後客至母乃不供仍更詐爲  
設食之筵兒歸問曰昨日客來若爲備擬母  
曰汝豈不見設食處耶從爾已來五百生中  
慳惜相續故云罪根深結罪謂身口之業根  
謂慳貪之心多生相續爲深膠固難解爲結  
從慳所起皆是罪業非唯彼時一度妄語謂  
慳貪是苦根所作是苦業餓鬼是苦果爲三  
道也若準十重戒中慳亦是業唯貪爲惑問  
五百生慳爲人爲鬼答人鬼相間造受相資

苦唯人身不名惡報若唯鬼身不應造業或亦爲畜於理無妨但慳習不除即名相續問目連定光佛世已來所生之母不一如何偏救彼之青提答青提與目連緣深今生復爲其母但救此身所生之母非謂救彼遠世

青提餘論云皆爲未達第二明子德薄○經非汝一人力所柰何疏汝母慳心慳於一切時經多世事歷多入豈汝一人力可濟拔第三斤邪無力○經汝雖孝順聲動天地天神地祇邪魔外道道士四天王神亦不能柰何

疏三藏云縱汝感天靈於上界激地祇於下方縱攝邪魔橫羅外道統六合以同家總八部爲一衆併其神力亦不柰何外道道士者外道中之道士也揀內道中之道士佛教初傳此方呼僧爲道士故也四天王者毗沙門

百六

十八

等護持世界者也第四顯正有能○經當須十方衆僧威神之力乃得解脫疏三藏云一縷不能制象必假多絲一人不能除業必資衆德今詳前後經文以邪正一多相對乃有四句一正而非多此不能救故前非汝一人

柰何二多而非正亦不能救即前神祇邪魔外道等也三亦多亦正方可救援即十方衆僧也四不多不正居然不可故經無文第五許以救方○經吾今當說救濟之法令一切難皆離憂苦疏今當說者正是許辭救濟法者是所許事令一切等者千鈞之弩不獨爲鼴鼠發機三界之尊豈偏令汝母離苦第六示其正法於中分二初教孝子獻供之法後教衆僧受供之儀初中復有五段一定勝時二發勝意三設勝供四讚勝田五獲勝益謂

自恣日爲勝時如春陽之月孝心爲勝意如精新種子百味五果等爲勝供如好牛犁以之供養如能耕墾賢聖爲勝田如膏腴之地存亡父母六親眷屬乃至七代離苦生天爲勝益如千箱萬斛秋收冬藏經文意勢豈不然乎智者詳之如指其掌今初第一定勝時○經佛告目連十方衆僧七月十五日僧自恣時疏梵語僧伽此云衆和合謂若衆而不和如羣商羣吏及軍衆等不名僧寶若和而不衆如二人同心之類亦非僧寶衆而和合

爲福之因方名僧寶和合者有六種謂身和同事語和同默意和同忍戒和同修見和同解利和同均也儒說小人君子或和或同今釋子比丘和而同也今云十方者法無限局豈隔親疎衆僧者唐梵重標譯人之拙七月十五日前三月夏安居竟故可自恣自恣有三日或十四十五十六今舉中間也此剩僧字去之又句闕亦是譯人之失也何不云共自恣時自恣者自己之過恣他所舉謂一夏安居九旬加行不階四果亦得四禪佛設教

門本意如此正法像法僧等皆然雖後五百歲亦有持戒修福是定也然將超苦海謹護浮囊猶恐當局者迷必籍旁觀得失縱不斷惑證果還希罪滅福生故偏袒於衆中白大德長老或見我過或聞我罪或疑我犯恣他所舉哀愍語我當懺悔如此則身心清淨猶如琉璃況禪定解脫或有之矣供養此者力用可知豈不拔濟先亡資熏現在故三藏云比丘受歲之日大衆自恣之時僧多獲道於四果故能濟厄於七代二發勝意○經

當爲七世父母及現在父母厄難中者疏當  
爲者能救之心七世下所救之境約境明心  
故云勝也七世者所生父母不同儒教取上  
百六  
代祖宗厄難中者通取存沒則地獄鬼畜  
存則病痛枷禁皆名厄難七世生身雖似轉  
二十  
踝皆是生我修道之器旣蒙鞠育豈負深恩  
故三藏云天地覆載旣無憚於劬勞幽顯沉  
淪理合答於罔極三設勝供○經具飯百味  
五果汲灌盆器香油錠燭牀敷卧具盡世甘  
美以著盆中供養十方大德衆僧疏具飯百

味者總標也如人盛饌槃筵邀命賓客唯云  
喫飯故飯爲總統於百味百者大數非定一  
百五果者一核果如棗杏桃李等二膚果如  
瓜梨柰椹等三殼果如胡桃石榴等四榦果  
如蘇荏等五角果如菱豆等上皆舌所嘗也  
汲灌盆器者沐浴等所用并下牀敷卧具皆  
身所覺也香者鼻所嗅也油錠燭者照燄等  
用即眼所見也亦可香油塗身亦屬身攝西  
域如此盡世甘美者亦屬古也上來於五欲  
境中唯闕聲也盡世之言詳其意趣有二種

盡謂富貴則盡世所有有即須求貧賤則力所及及則須覓即知不定少多之物但在竭盡其心亦類彼享于克誠馨於明德也著盆中者譯經訛錯如何牀等可置盆中應云著孟蘭盆供會之中也供養二句者正明行也

據經本意但可以受用物供養大德之僧不必彫鏤金玉剪割繒絲高聳闌架等也故三藏云汝須物華四事盆美八珍歷十方而運約人讚時而總標末二句以威儀讚人而總結中間人法有其五對但文不次謂處有山間樹下對證有四果六通對行有自利利他對經行自利教化利他學有戒定對各有其文人有大小對亦名權實對聲聞緣覺爲實

爲小十地菩薩爲權爲大又總束之不出人  
法爲三學三乘對從初至四果禪定也次從  
或在下至自在教化智慧也皆同下三句淨  
戒也三乘者即聲聞緣覺十地大人也皆同  
一心者是意和合謂受供時皆同運慚愧殷

重心慈悲報恩救濟心人雖位有凡聖德有  
優劣而所運心一而無異故云同也受鉢和  
羅飯者鉢中飯也梵云鉢多羅此云應器和  
字訛也今時但云鉢者略也經題云盆即是  
鉢也譯時隨俗題之云盆盆之與鉢皆器也

故三藏釋題翻爲救器此一句經正明自恣  
大德受盂蘭盆供也五獲勝益○經其有供  
養此等自恣僧者現世父母六親眷屬得出  
三塗之苦應時解脫衣食自然若父母現在  
者福樂百年若七世父母生天自在化生入  
天華光疏此一唱經有兩節意初一半者蒙  
十六悲願之力而離苦後一半者蒙慈願之力而  
得樂樂中有存亡之異初云此等自恣僧者  
指前五對所說也現世父母者生此身之父  
母也非謂未亡名爲現世故指得益云出三

塗其現在未亡之父母下自有文云福樂百年是也不應重舉三藏錯會故作異釋甚非文意六親者父母兄弟夫妻或云男女不取兄弟眷屬者一切姻戚通於表裏出三塗解脫者總明離苦也衣食自然者且翻三塗生於人天故屬拔苦之文亦可使得樂屬於後也若父母下明存亡得樂文相可知天華光者天上妙華光明也略指快樂之相矣自下第二教衆僧受供之儀○經時佛勸十方衆僧皆先爲施主家呪願願七世父母行禪定

意然後受食初受食時先安在佛前塔寺中佛前衆僧呪願竟便自受食疏此中前半淨三業後半具三寶前中呪願口業禪定意業受食身業後中塔前是佛呪願是法受食是僧從他受而後食法律如此即受字亦屬法也塔著邊國訛語正云窣堵波此云高顯處五六此中意通殿塔塔安舍利殿安佛像自下大文第七孝子領悟○經時目連比丘及大菩薩衆皆大歡喜目連悲涕泣聲釋然除滅疏淨業既成必知離苦觀因驗果聲響不差故十三

喜而止啼也如處世刑獄囑大力人財賄旣行其心已喜第八慈母獲益○經是時目連母即於是日得脫一劫餓鬼之苦疏目連聞經且是受敎施設盆供合在餘時今說經次便云脫餓鬼者譯經闕略也應於正宗終處叙結集家文云爾時目連聞是法已至七月十五日施設盆供供自恣僧已其母即於是日得脫一劫餓鬼之苦則文義俱顯矣故三藏云孝子旣獻供於此辰慈母乃除殃於是日大哉聖力速疾如斯其餓鬼受苦年劫時

時亦是設供之後非一席之事至畢鉢羅窟方始總集爲經也目連愛其親而及他人如願考叔諫莊公云二讚請○經佛言大善快問我正欲說汝今復問疏初句標讚大善快問者深契聖心後二句釋所以以正欲說即

遇問辭機感相投潛通密應故言快問佛本意者欲說孝道最大故拔苦事重故孟蘭法勝故世尊觀衆勝緣機熟可教化故三答請文五一敎起行○經善男子若比丘比丘尼國王太子大臣宰相三公百官萬民庶人行

百六

廿四

慈者皆應先爲所生現在父母過去七代父母於七月十五日佛歡喜日僧自恣日以百味飯食安盂蘭盆中施十方自恣僧疏雖貴賤品隔僧俗道殊自非化生濕生無不有父有母慈烏鵲鵠尚解恩恩豈況人倫而不

濟拔孝之利害已具懸談既識是非須依正道故云應先爲所生等也據制令必爲不爲即是違制故亦當於制敎是以前亦屬律藏然佛無悲喜今於此日示現歡喜者應機緣也以佛本出世祇爲勸人修行見人造業則悲見人修善則喜今比丘九旬加行日滿倍更懇誠三千界中皆同如此稱佛本意寧不欣歡此日設盆其福甚也二敎發願○經願使現在父母壽命百年無病無一切苦惱之患乃至七世父母離餓鬼苦生人天中福樂

無極疏所修必假行門所獲必由心願願者  
心之樂欲欲得存沒咸安存者保壽於人間  
常無病惱沒者遷神於天上永絕冥塗行願  
相資無所不利三教常作○經是佛弟子修  
孝順者應念念中常憶父母乃至七世父母  
百六  
孝順者應念念中常憶父母乃至七世父母  
廿五

年年七月十五日常以孝慈憶所生父母爲  
作盂蘭盆施佛及僧以報父母長養慈愛之  
恩疏是佛弟子修孝順者反明非佛弟子及  
不孝者即任不設盆也念念常憶者無終始  
也長養是事慈愛是心故前起行及發心願  
以報之也餘文可解三藏云父母結愛既念  
念不離心孝子報恩須年年不絕供四勸受  
持○經若一切佛弟子應當奉持是法疏智  
度論云信力故受念力故持今云奉者即受  
之義皆應者勗此二力五喜而奉命○經時

